



REPUBLIKA E KOSOVËS
REPUBLIC OF KOSOVO
REPUBLIKA KOSOVA



KOMUNA E PEJËS / MUNICIPALITY OF PEJA / OPŠTINA PEĆ

KUVENDI I KOMUNËS PEJË

Numër: 06/01-32116

Pejë, datë: 29 Maj 2026

PROCESVERBAL

Nga takimi i –IV- të i rregulltë i Kuvendit Komunal Pejë, i mbajtur me: **29 maj 2026** me fillim në orën 10:00 h.

Takimi u mbajt në sallën e Kuvendit të Komunës së Pejës.

Në takim prezantojnë: përpos anëtarëve të kuvendit të komunës, kryetari i komunës z. Gazmend Muhaxheri, nënkryetari z. Fatmir Asllani; kryesuesi z. Rexhep Kurtbogaj; drejtorët e SHCK-së, z. Avni Gashi, udhëheqës i sektorit të kuvendit, zyrtare administrative znj. Donjeta Morina: përfaqësues të ZIP-it, përfaqësuesit të OJQ-ve dhe përfaqësues të mediave të shkruara dhe elektronike.

Në vazhdim takimin e kryesoi; kryesuesi z. Rexhep Kurtbogaj, ku e hapi diskutimin për rendin e ditës dhe i sqaroi pikat të cilat janë vendosur në rend dite, pastaj konstatoi se janë 35 anëtarë prezent. Po ashtu sqaroi që pika e 3 është tërhequr nga rendi i ditës.

Z. Ardit Berisha: sot për rend dite propozoj që Kuvendi Komunal i Pejë të trajtojë një çështje që prek drejtpërdrejt qindra familje të komunës sonë, gjendjen e rënduar në sektorin e qumështit dhe nevojën për mbështetje konkrete për fermerët tanë. Jemi dëshmitarë të një situatë ku fermerët po përballen me uljet e çmimit të grumbullimit të qumështit, vështirësisë në plasimin e prodhimit dhe humbje të konsiderueshme ekonomike. Kjo nuk është vetëm një çështje e sektorit të caktuar, por çështje e ekonomisë lokale, e zhvillimit rural dhe e mbijetesë që jetojnë nga polësi dhe blegtori. Për këtë arsye kërkoj që Kuvendi komunal të diskutojë seriozisht situatën e krijuar dhe të shqyrtojë mundësinë e miratimit të një mbështetje financiare komunale deri në 10 cent qumështit për fermerët e komunës së Pejës. Komunitat e tjera në Kosovë tashmë e dimë se kanë ndërmarrë hapa konkret për mbështetjet e fermerëve. Kjo nuk duhet të jetë temë politike apo partiake. Fermeri nuk pyet se kush është në pushtet e kush është në opozitë e kur zgjohet në mëngjes për t'u kujdes për ferrën e tij. Prandaj ftoj që ta mbështesin në këtë pikë të rendit të ditës dhe të tregojmë se Kuvendi komunal i Pejës di të bashkohet kur është në pyetje interesi i qytetarëve dhe i fermerëve tanë.

Z.Atdhe Berisha: unë sa i përket propozimit të kolegut Ardit, veç desha me ja bërë një pyetje. Kush e ka shkaktuar këtë gjendje të rënduar të fermerëve?

Z.Nasret Hajrizaj: në lidhje me pikën e rendit të ditë të propozuar, na duhet saktësisht ta dimë të qartë se kush po e shkakton këtë problem si në qumështore si në çdo lëmitë e zhvillimit ekonomik apo zhvillimit të përgjithësi të Kosovës.

Z.Naim Bytyqi: ne mundem me pranë për me u vendos si pikë e rendit të ditës. Atëherë diskutojmë për shkaqet. Mirë është me pranë kërkesën e Ardit.

Z.Islam Husaj: çdo pikë e cila duhet të vendoset në rend dite, duhet paraprakisht të bëhet një kërkesë me shkrim dhe të përgatitet materiali për atë pikë të cilin duhet të bisedohet. Mundemi si propozim me e marrë dhe me e lënë për një seancë tjetër.

Z.Ardit Berisha: atëherë po shihet se shumica e anëtarëve të Kuvendit janë për me diskutu për këtë pikë të rendit të ditës. Po ashtu edhe me shkrim e ka kryetari i komunës kërkesën të cilën ja kam parashtruar me datën 6 maj. Andaj konsideroj që kjo pikë duhet t'i hyjë në rendit dhe të diskutohet për shkak se fermeri nuk pret seancën tjetër. Kjo tregon normalisht nivelin e pozitës që nuk është në gjendje me diskutuar për fermerët tanë dhe te kjo çështje normalisht që secili edhe secila parti e shpërfaq atë vullnetin e saj. Po votat po ja kërkojmë fermerëve si ju si ne. Po e shoh vullnetin e asamblesëve.

Kryetari Gazmend Muhaxheri: ne këtë punë kemi me diskutu muajin tjetër se e kemi për me aprovuar buxhetin edhe diskutimet buxhetore për shtator e mandej me pa vullnetin e juaj sa jeni të gatshëm me ju dalë arsimtarëve ndihmë se me qarkoren buxhetore na keni pru me i largu 200 arsimtarë prej procesit të mësimi. Vitin e kaluar i kam nda 2.2 milion euro për me i mbajt 190 arsimtarë procesin e mësimi. Këtë vit s'jam i vullnetit me i nda pare. E ta kqyrim a keni me pasur ju vullnet politik me ju drejtu partisë në pushtet edhe me i ndihmu fermerëve edhe me i ndihmu arsimtarëve. Ta shohim sa keni gatishmëri mbasi pasket sot me i ndihmu fermerëve me pare të komunës e s'jeni të gatshëm me ju drejtu ministrisë juaj me i nda paret prej qeverisë. Keni vullnet me i shpërndarë 200 milion euro si vitra, a s'jeni të gatshëm me i ndihmu këtij vendit për me zhvilluar ekonominë e me i ndalë importin e qumështit që po vjen prej Serbisë, e që ju e keni leju me ardh është hy 30% më shumë qumësht prej Serbisë se që ka hy deri më tash. Pesë muajt e fundit i keni 350.000 L që janë hy. Çështjen e fermerit do të diskutojmë kur diskutohet buxheti. Po ne ju shohim vullnetin juve si parti politike sa doni me i ndihmu arsimtarëve të kësaj komune edhe sa doni me i ndihmu fermerëve kur të aprovojne buxhetin vitin tjetër. Edhe sa keni vullnet me i ndihmu kësaj komune tash kur e keni buxhetin e Ministrisë së Infrastrukturës e kësaj komune skeni nda asnjë cent.

Z.Berat Ganiqi: kur të flas unë të tjerët ose se do ta marrin mikrofonin le të dalin ballë ose mos të interferon ky zotëria këtu! Për fermerë secila komunë është duke ju ndihmuar. Kemi kërku seancë tjashtëzakonshme, asnjë asamblistë nuk ka qenë në gjendje me nënshkru ato. Ka kërku sipas gjitha rregullave me shti në rend të ditës. Nuk ka pasur përgjigje. Ta ka pru këtu tash po thush i keni jep 200 milion të vitra, nuk janë vitra janë ndihmesë të cilët kohë pas kohë shpërndahen, për ty janë vitra. E po t'i kujtoj vitrat tuaja që as me vërshim as kurrë s'ju ke

ndihmu qytetarëve të Pejës 400.000€ ja ke jap KEDS prej buxhetit të Pejës. Kryetar mos e bë fushatë se s'jena ardh me bë fushatë, po don me shti në rend të ditës mire, s'po don me shti në rend të ditës në rregullë. Mbasi s'po don me politizu hajde po e mbajmë séance me datën 9 qershor po mbledhemi këtu pas zgjedhje po e mbajmë. Kemi me ndihmu çdo qytetar bashkë sa të ka nevojë mos i përdor 200 punëtorë të arsimit që je duke i përdor çdo fushatë. Nuk largohet askush, po e ke mbipopullu arsimin me militant edhe qështu thuaj e kam mbipopulluar.

Kryetari Gazmend Muhaxheri: Këtë problem e kanë të tona komunat e Republikës së Kosovës. Po e shohim qysh keni me bë në Gjilan e në këto ku qeverisni ju. E po e diskutojmë edhe këtë punën e fermerëve e diskutojmë se ne jemi komuna që jemi më afër fermerëve gjithmonë. E di krejt çka keni bë këtë herë. E di qysh i merreni paret prej Serbisë për me shti mallin e qumështin e Serbisë po e diskutojmë atë ditë, se s'po dua me diskutu që tash. Ne kemi investu për qytetarët tonë për me marrë shërbim edhe në Rugovë edhe tash jemi duke investu në Vitomericë që rajoni i cili e ka pas tensionin më të keq në Republikën e Kosovës me shtëpia që janë ndërtuar në këto 20 vjet e fundit. Për atë kemi investu sepse ju dalim në ndihmë qytetarëve tanë. Ne i kemi kryer 5 km larg përçues në të cilin kemi participu si komunë me e hap kanalën edhe me i hap 80 shtylla, kjo është ndihmesë që e bëjmë për qytetarët e tonë të Vitomericës. Kemi participu vitin tjetër për Novosell, Dubovë, Ozdrim, Jabllanicë e madhe, Jabllanicë e vogël, se edhe atje qytetarët tonë e kanë shërbimin e rrymës më të dobët se qytetarë të tjerë që e kanë, për me mujt me pasu investime duhet me me i ofruar Kedsi që edhe ne jemi të interesuar në atë rajon me pas investime.

Z.Berat Ganiqi: le të tregon kush i merr prej Serbisë ato pare, saktë le të tregon se qështu me dalë me thënë jo në séance tjetër, po në këtë seancë trego!

Kryesusi Rexhep Kurtbogaj: një temë që don me shti si pike rend i ditës paraprakisht duhet me u dërgu me shkrim te sekretaria e kuvendit. Duhet të jetë i çështjes urgjente e cila mundet me hy si pikë e rendit të ditës. Në këtë rast kjo pikë e jotja meqënë se nuk ka as material për anëtarët e kuvendit nuk mundet me hy në diskutim. Mundet me hy në diskutim me se plotësohen këto kritere qysh janë parapar me rregullore dhe me statut. Sa i përket edhe një sqarim te drejtorja e bujqësisë janë tre katër subvencione që jepin brenda vitit edhe janë parapame me kritere buxhetore, nuk është që fermerët nuk janë duke mbështet aktualisht. I keni votu ato buxhetet që janë të parapa në subvencion që kanë kaluar në drejtori të bujqësisë edhe duke u subvencionu fermerët. Propozoj që pika e statutit të tërheqet nga pika e rendit të ditës. Fillimisht me arsye të konsultimit paraprak me Ministrinë, e kemi caktuar javën e ardhshme edhe një takim me ta dhe për shkak të konsultimit rreth çështjes së ligjshmërisë dhe atyre specifikave që i ka statusi dhe rëndësia që e ka për komunë. Kisha kërkuar nga ajo që të votohet në rendin e ditës që tërhiqet të shtyhet në seancën tjetër.

Z.Ardit Berisha: Propozimin që e bën një anëtar i kuvendit duhet me vendose në votim mos të votojnë anëtarët e kuvendit. Unë pajtohem procedurën duhet me ndjek rregulloren duhet me zbatu vendos kuvendi a pajtohet me shty apo jo të dimë kush është me fermer e kush jo!.

Nga të gjithë anëtarët prezent me 26 votë pro, 1 votë kundër, 7 anëtar nuk ka marrë pjesë në votim, u miratua ky rend dite me propozimin që u dha nga kryesuesi:

REND DITE

1. Aprovimi i rendit të ditës.
2. Shqyrtimi dhe miratimi i Procesverbaleve të Kuvendit të Komunës së Pejës dt. 31.03.2026 dhe 29.04.2026.
3. Rishqyrtimi i Vendimit Nr.01/2026 – mbi themelimin e Komitetit për Politikë dhe Financa - KPF në Komunën e Pejës, në bazë të kërkesës së MAPL për rishqyrtim, me nr. prot: 020-162/5, dt. 13.03.2026.
4. Shqyrtimi dhe miratimi i propozimit të DÇPJ dhe Kryetarit të Komunës për miratimin paraprak të draft - vendimit për dhënie në shfrytëzim afat shkurtër të pronës së paluajtshme Komunale Byfeja e objektit të Teatrit.
5. Shqyrtimi dhe miratimi i propozimit të DÇPJ dhe Kryetarit të Komunës për formimin e komisionit vlerësues për zbatimin e procedurave të dhënies në shfrytëzim afat shkurtër të pronës së paluajtshme Komunale Byfeja e objektit të Teatrit.
6. Shqyrtimi dhe miratimi i propozimit të DÇPJ dhe Kryetarit të Komunës për miratimin paraprak të draft - vendimit për dhënie në shfrytëzim afat shkurtër të pronës së paluajtshme Komunale në Novosellë - rivitalizimi i objektit.
7. Shqyrtimi dhe miratimi i propozimit të DÇPJ dhe Kryetarit të Komunës për formimin e komisionit vlerësues për zbatimin e procedurave të dhënies në shfrytëzim afat shkurtër të pronës së paluajtshme Komunale në Novosellë - rivitalizimi i objektit.
8. Shqyrtimi dhe miratimi i propozimit të DÇPJ dhe Kryetarit të Komunës për miratimin paraprak të draft - vendimit për dhënie në shfrytëzim afat gjatë të pronës së paluajtshme Komunale me qëllim të dhënies në shfrytëzim nga procedurat e këmbimit dhe shpronësimit.
9. Shqyrtimi dhe miratimi i propozimit të DÇPJ dhe Kryetarit të Komunës për formimin e komisionit vlerësues për zbatimin e procedurave të dhënies në shfrytëzim afat gjatë të pronës së paluajtshme Komunale me qëllim të dhënies në shfrytëzim nga procedurat e këmbimit dhe shpronësimit.
10. Shqyrtimi dhe miratimi i propozimit të DÇPJ dhe Kryetarit të Komunës për formimin e komisionit të ankesave të palëve në procedurën e dhënies në shfrytëzim afat shkurtër dhe afatgjatë të pronës së paluajtshme Komunale.
11. Shqyrtimi dhe miratimi i propozimit të DÇPJ dhe Kryetarit të Komunës për dhënien e Servitutes Reale për instalimin e kabllos nëntokësorë, ZK Sferkë në pronësi të Komunës së Pejës.
12. Shqyrtimi dhe miratimi i propozimit të Komitetit për Politikë dhe Financa për kompensimin e Komisionit për hartimin e draft Statutit të Komunës së Pejës, nr. prot. 016/01-14884, datë: 31 Mars 2026.
13. Shqyrtimi dhe miratimi i propozimeve të komisionit për tituj nderi, dekorata, mirënjohje dhe

falënderime për vitin 2026.

14. Shqyrtimi dhe miratimi i Planit Komunal për Ri integrimin e Qëndrueshëm të personave të riatdhesuar dhe integritit të të huajve në Pejë, 2026 – 2028.
15. Shqyrtimi dhe miratimi i propozimit të Komitetit për Politikë dhe Financa për kompensimin e Komisionit të veçantë për tituj nderi, dekorata, medalje, mirënjohje dhe falënderime për vitin 2026, nr. prot: 01-060/01-12407, datë: 26 Shkurt 2026.
16. Pyetjet dhe propozimet lidhur me punën e Komunës, të ngritura nga anëtarët, në atë rënditje siç janë pranuar:
17. Çështje të ngritura në mbledhje nga udhëheqësi apo nga anëtarët e Kuvendit.

1.Pjesëmarrja në takim e anëtarëve të kuvendit dhe mungesat.

Në takim mungoj z.Shaban Ramaj.

2.Pjesëmarrja publike dhe delegacionet

Nuk ka pasur.

3.Shqyrtimi dhe miratimi i Procesverbaleve të Kuvendit të Komunës së Pejës dt. 31.03.2026 dhe 29.04.2026.

Nga të gjithë anëtarët prezent me 23 votë pro, 12 anëtar nuk marrin pjesë në votim, miratohen procesverbalet.

4.Rishqyrtimi i Vendimit Nr.01/2026 – mbi themelimin e Komitetit për Politikë dhe Financa - KPF në Komunën e Pejës, në bazë të kërkesës së MAPL për rishqyrtim, me nr. prot: 020-162/5, dt. 13.03.2026.

Kryesusi Rexhep Kurtbogaj: jemi në seancën e dytë në fakt që e diskutojmë çështjen e komitetit politik financa për shkak se ministria e ka kthyer për rishqyrtim për kriterin e barazisë gjinore që është sipas dispozitave ligjore. Kemi kërkuar edhe në seancën e kaluar fillimisht nga subjekti AAK për shkak se nuk ka përfaqësim gjinor. Mirëpo kërkoj edhe nga subjekte të tjera nëse munden me ndërru.

Z.Berat Ganiqi: dua me propozu rregulloni këtë punë për shkak që komiteti për politikë e financa nuk është në harmoni me ligjin edhe mos të vjen situata ku me i diskutu edhe vendimet që merr ky komitet që janë të ligjshme, nuk janë të ligjshme. Është mirë me rregullu për shkak që po kërkohet një grua më shumë si lëvizje Vetëvendosje kemi 50 me 50. Domethënë një kështu, një ashtu edhe është mirë së paku me i jap vlerë edhe gruas për përfaqësim, por dhe me rregullu si çështje ligjore. Nuk mundemi çdo seancë me ardhë me u bë temë, me diskutu për shkak që dikush s'po do me vendos një grua diku atje.

Z.Islam Husaj: unë mendoj se duhet me pas qartë se komiteti për politikë dhe financa nuk merr vendime. veç rekomandime Kuvendit dhe meqënëse nuk ka reflektim unë kisha propozu me e lënë në seancën e radhës mbas zgjedhjeve edhe me e vendos këtë çështje.

Kryesusi Rexhep Kurtbogaj: meqënëse nuk po shoh që ka reflektim për ndryshim, atëherë propozoj për me shty në seancën tjetër.

5.Shqyrtimi dhe miratimi i propozimit të DÇPJ dhe Kryetarit të Komunës për miratimin paraprak të draft - vendimit për dhënie në shfrytëzim afat shkurtër të pronës së paluajtshme Komunale Byfeja e objektit të Teatrit.

Kryesusi Rexhep Kurtbogaj: është një material që e keni marrë paraprakisht me materialet që ju kanë ardhur. Gjithashtu është sqaruar nga drejtori edhe në takimin e komitetit politik financa. Po hapi temën për anëtarë të kuvendit pastaj nëse duhet të përsëris sqarim nga drejtori është prezent këtu.

Nga të gjithë anëtarët prezent me 20 vota pro, 14 anëtarë nuk kanë marrë pjesë në votim miratohet propozimi i kryetarit dhe drejtorisë për çështje punësore juridike për shfrytëzim = të objektit byfeja e teatrit në një periudhë afashkurtë .

6.Shqyrtimi dhe miratimi i propozimit të DÇPJ dhe Kryetarit të Komunës për formimin e komisionit vlerësues për zbatimin e procedurave të dhënies në shfrytëzim afat shkurtër të pronës së paluajtshme Komunale Byfeja e objektit të Teatrit.

Kryesusi Rexhep Kurtbogaj: Tani kemi propozim nga subjektet për anëtarë të këtij komisioni që do të merren me procedurat e dhënjes në shfrytëzim asaj prone që miratua më herët .Komisioni përbëhet nga pesë anëtarë, dy anëtarë nga Kuvendi, dy anëtarë nga ekzekutivi dhe një anëtar nga shoqëria civile. Nga ekzekutivi janë znj.Albulena Mujaj Bajraktari dhe z.Luan Vocaj, gjithashtu edhe një emër nga shoqëria civile do të kërkohet me thirrje publike për plotësimin e komisionit.

Anëtarët e propozuar:

- 1.Arben Morina- LDK
2. Nasret Hajrizi- PDK

Nga të gjithë anëtarët prezent me 21 vota pro, kundër nuk ka, të përmbajtur nuk ka, 13 anëtar nuk marrin pjesë në votim miratohet propozimi për komisionerët nga kuvendi.

7.Shqyrtimi dhe miratimi i propozimit të DÇPJ dhe Kryetarit të Komunës për miratimin paraprak të draft - vendimit për dhënie në shfrytëzim afat shkurtër të pronës së paluajtshme Komunale në Novosellë - rivitalizimi i objektit.

Kryesusi Rexhep Kurtbogaj: është dhënë sqarimi nga drejtori në komitetin politik financa më të detajuara rreth këtij propozimi. Nëse ka dikush nga anëtarët e kuvendit për diskutim, nuk ka, atëherë e qesim për miratim.

Nga të gjithë anëtarët prezent me 20 vota pro, kundër nuk ka, të përmbajtur nuk ka. 14 anëtarë nuk kanë marrë pjesë në votim, miratohet propozimi i kryetarit dhe drejtorisë për çështje pronësore juridike.

8.Shqyrtimi dhe miratimi i propozimit të DÇPJ dhe Kryetarit të Komunës për formimin e komisionit vlerësues për zbatimin e procedurave të dhënies në shfrytëzim afat shkurtër të pronës së paluajtshme Komunale në Novosellë - rivitalizimi i objektit.

Kryesusi Rexhep Kurtbogaj: edhe këtu përbërja e këtij komisionit është pesë anëtarë dy nga ekzekutivi, një nga shoqëria civile dhe dy anëtarë nga kuvendi.

Anëtarët e propozuar:

- 1.Dafina Draga- LDK
2. Edonjeta Berisha- PDK

Nga të gjithë anëtarët prezent me 18 votë pro, 16 anëtar nuk marrin pjesë në votim, miratohet formimi komisionit vlerësues për zbatimin e procedurave të dhënies në shfrytëzim afat shkurtër të pronës së paluajtshme Komunale në Novosellë.

9.Shqyrtimi dhe miratimi i propozimit të DÇPJ dhe Kryetarit të Komunës për miratimin paraprak të draft - vendimit për dhënie në shfrytëzim afat gjatë të pronës së paluajtshme Komunale me qëllim të dhënies në shfrytëzim nga procedurat e këmbimit dhe shpronësimit.

Kryesusi Rexhep Kurtbogaj: gjithashtu është dhënë në sqarim në komiteti politik financa, drejtori është prezent nëse ka dikush nga anëtarët e kuvendit për diskutim, nëse nuk kemi e qesim në votim.

Nga të gjithë anëtarët prezent me 20 vota pro, kundër nuk ka, të përmbajtur nuk ka, 14 anëtarë nuk kanë marrë pjesë në votim, miratohet propozimi i Drejtorisë për çështje punësore dhe kryetarit.

10.Shqyrtimi dhe miratimi i propozimit të DÇPJ dhe Kryetarit të Komunës për formimin e komisionit vlerësues për zbatimin e procedurave të dhënies në shfrytëzim afat gjatë të pronës së paluajtshme Komunale me qëllim të dhënies në shfrytëzim nga procedurat e këmbimit dhe shpronësimit.

Kryesusi Rexhep Kurtbogaj: vazhdojmë me propozimet nga subjektet.

1.Atdhe Berisha- LDK

2.Edonjeta Berisha- PDK

Nga të gjithë anëtarët prezent me 20 vota pro, kundër nuk ka, të përmbajtur nuk ka. 14 anëtarë nuk kanë marrë pjesë në votim, miratohet formimi i komisionit vlerësues për zbatimin e procedurave të dhënies në shfrytëzim afat gjatë të pronës së paluajtshme Komunale me qëllim të dhënies në shfrytëzim nga procedurat e këmbimit dhe shpronësimit.

11.Shqyrtimi dhe miratimi i propozimit të DÇPJ dhe Kryetarit të Komunës për formimin e komisionit të ankesave të palëve në procedurën e dhënies në shfrytëzim afat shkurtër dhe afatgjatë të pronës së paluajtshme Komunale.

Kryesusi Rexhep Kurtbogaj: tani është fjala për komisionin të cilët ë duhet të punojnë për mundësinë e ankesave që mund të jenë gjat zhvillimit të procedurave për pikat që i dhamë më herët, mandati i tyre është dy vjeçar. Komisioni përberhet nga 2 anëtar nga kuvendi, 2 nga ekzekutivi dhe një nga shoqeria civile.

Anëtarët e propozuar:

1.Shqipërim Muriqi- LDK

2.Leotrim Murtezaj- PDK

Nga të gjithë anëtarët prezent me 20 vota pro, kundër nuk ka, të përmbajtur nuk ka, 14 anëtarë nuk kanë marrë pjesë në votim. miratohet propozimi për formimin e komisionit të ankesave të palëve në procedurën e dhënien në shfrytëzim afatshkurtërt dhe afatgjatë të pronës së paluajtshme komunale.

12.Shqyrtimi dhe miratimi i propozimit të DÇPJ dhe Kryetarit të Komunës për dhënien e Servitutes Reale për instalimin e kablllos nëntokësorë, ZK Sferkë në pronësi të Komunës së Pejës.

Kryesusi Rexhep Kurtbogaj: është dhënë sqarim edhe nga drejtori dhe nga kryetari rreth kësaj pike nëse ka diskutim nga anëtarët e Kuvendit nese nuk ka, e qesim në votim.

Nga të gjithë anëtarët prezent me 20 vota pro, 14 anëtarë nuk kanë marrë pjesë në votim, miratohet propozimi i kryetarit dhe drejtorisë për çështje pronësore juridike.

13.Shqyrtimi dhe miratimi i propozimit të Komitetit për Politikë dhe Financa për kompensimin e Komisionit për hartimin e draft Statutit të Komunës së Pejës, nr. prot. 016/01-14884, datë: 31 Mars 2026.

Kryesusi Rexhep Kurtbogaj: në KPF e kemi diskutuar mundësinë e kompensimit për komisionin që ka punuar për drafstatut.

Z.Ardit Berisha: nëse unë jam pjesë e këtij kompensimi kërkoj që të tërhiqet emri im për shkak se unë kam jep dorheqje prej këtij komisioni.

Nga të gjithë anëtarët prezent me 22 vota pro, kundër nuk ka, të përmbajtur nuk ka. 12 anëtarë nuk kanë marrë pjesë në votim, miratohet propozimi nga komuniteti politik financa për kompensimin e komisionit për hartimin e draftstatutit të komunës së Pejës.

14.Shqyrtimi dhe miratimi i propozimeve të komisionit për tituj nderi, dekorata, mirënjohje dhe falënderime për vitin 2026.

Kryesusi Rexhep Kurtbogaj: siç e dini në seancës së kaluar të Kuvendit kemi marrë vendim për formimin e komisionit për tituj nderi, dekorata, mirënjohje. Ky komision bashkë me drejtorinë që e kemi autorizuar për zhvillimin e procedurave për çmimet për qytetarët e Pejës, drejtorinë e kemi prezent këtu, drejtoreshën Xhenet Syka, nëse ka ndonjë sqarim rreth procedurave dhe meqenëse ka qenë pjesë e komisionit dhe zhvillimit të procedurave.

Znj.Xhenet Syka Kelmendi: në fakt vetëm desha t'ju siguroj se ashtu sikur jemi zotuar në Drejtorinë për Kulturë Rini dhe Sport kanë mbaruar të gjitha procedurat protokolare për sa i përket të gjitha propozimeve të gjitha shqyrtimeve, mbajtjes së procesverbaleve, mbajtjes së takimeve me komisionin. Është e vërtetë se ka më tepër propozime. Megjithatë, me pajtueshmërinë e plotë të komisionit të përbërë nga ky kuvend dhe nga të gjitha partitë e shoqëria civile është arritur një pajtueshmëri e plotë. Gjithsej janë 30 të propozuar. Nëse keni vëmendjen, nëse keni interesimin apo nëse keni ndonjë pyetje përkitazi me motivacionit për të gjitha emrave dhe mbiemrave që janë propozuar, ne i kemi të përgatitura. Përndryshe i gjeni edhe te intraneti i drejtoratit për kulturë, rini dhe sport si dhe besoj se të gjitha materialet i keni të bashkangjitura tek materiali i kuvendit si pikë e rendit të ditës.

Z. Berat Ganiqi: u bë disa vite në asamble që diskutojmë përmirësimin e rregullores dhe ndryshimin e kriterëve. Deri më tash nuk ndryshojnë kriteret edhe rregullorja vazhdon me qenë e njëjtë. Si lëvizje Vetëvendosje kam parë që ka emra shumë të respektuar edhe të cilët duhet me i votu, mirëpo për me bë një ndamje sepse historia nuk i njeh krejt të njëjtë edhe në histori nuk mundesh me i barazu krejt të njëjtë. Dikush mundet me pas merita më shumë e dikush mundet mos me pas merita hiç, po hyn në listë për shkak se dikush e propozon. Propozoj që kështu është mirë me u votu një nga një edhe në baza meritore edhe në baza të numrit që është me të kalu, mos t'i bëjmë këto titujt e nderit që po i shpërndajmë, sepse nuk i japim për shembull kontribut kurrkujt dhe s'i japim ato meritat kryesore nëse një personi të një çmim ja ndajm gjashtë vetave e që kontributi as në histori e as në një pjesë nuk është e njëjtë.

Znj.Xhenet Syka Kelemendi: kemi nxjerrë vendime dhe procesverbale, të gjithë kanë qenë prezent. Për sa i përket rregullores, unë dua të besoj se edhe rregullorja ka vendin e saj përndryshime në kuadër të ndryshimeve statutores tashmë të komunës. Ndërsa për sa i përket propozimeve, pas secilit emër dhe mbiemër të propozuar është nxjerrë edhe një motivacion. I keni të bashkangjitur dhe mund të japim shpjegime shtesë, se si votohet është çështje e Kuvendit.

Z.Ardit Berisha: ne e kuptojmë se kryetari ka me shku në vorrim, po propozimet e grupit tanë parlamentar janë që të votohet një nga një. Kjo drejtoreshë është propozim jo punë e kuvendit, por propozim i kuvendit dhe i anëtarëve të kuvendit. Kështu që propozimi anësisht një nga një me u votu këto tituj.

Kryesusi Rexhep Kurtbogaj: domethënë që duhet me i bërë plotësim ndryshimin e rregullores për shkak se edhe drejtoria edhe komisioni si e caktojmë edhe ne këtu që jemi vijmë para një sfide të madhe për shkak si emrat e propozuar nga qytetarët edhe kriteret që i plotësojnë me nënshkrime atëherë edhe puna e komisionit është e vështirë që me u nda ka ata qytetarë që i plotësojnë ato kriteret të propozimeve deri te rëndësia dhe barazpesha e kontributit të tyre është mjaft e vështirë me e vlerësu edhe me nda ndonjë personalitet për shkak të mosaktimit të kriterëve të tjera që do të kishte qenë edhe më e lehtë edhe puna e komisionit por edhe puna jonë këtu si kuvend. Tani në fakt e kemi një listë që ardhur nga komisioni që e kemi caktuar për punën dhe zhvillimin e procedurave për tituj nderi dhe mirënjohje. Mendoj që në seancën tjetër ose një séance të afërt do ta shtimë si pikë rendit të ditës, plotësim ndryshimin e rregullores edhe kësaj radhe që mos jetë pasi që e kemi praktikë në seancat e kaluara që me votu pako emrat që janë të propozuar, ndoshta është e vështirë edhe për neve me i nda tani këtu në seancë të kuvendit disa qytetarë për mos me i marrë ato mirënjohjes që ardhë propozum prej komisionit. (Lista e emrave të personaliteteve është e bashkëangjitur në material).

Nga të gjithë anëtarët present me 20 vota pro, kundër nuk ka, të përmbajtur nuk ka, 14 anëtarë nuk kanë marrë pjesë në votim, miratohet propozimi i komisionit nga Kuvendi dhe drejtoria për emrat e propozuar për çmimet e qytetarëve të Pejës.

15.Shqyrtimi dhe miratim i Planit Komunal për Ri integrimin e Qëndrueshëm të personave të riatdhesuar dhe integritit të të huajve në Pejë, 2026 – 2028.

Kryesusi Rexhep Kurtbogaj: materialin e kanë e kemi marrë materialin paraprakisht si anëtarë të kuvendit. Është fjala për plani dy vjeçar për riatdhesimin dhe integrimin e personave të huaj.

Nga të gjithë anëtarët present me 20 vota pro, kundër nuk ka, të përmbajtur nuk ka, 14 anëtarë nuk kanë marrë pjesë në votim, miratohet propozimi për planin për integrim.

16.Shqyrtimi dhe miratimi i propozimit të Komitetit për Politikë dhe Financa për kompensimin e Komisionit të veçantë për tituj nderi, dekorata, medalje, mirënjohje dhe falënderime për vitin 2026, nr. prot: 01-060/01-12407, datë: 26 Shkurt 2026.

Z.Berat Ganiqi: kryesues, po e shoh që kjo është hera e pare në rend dite që vjen kompensime të këtyre komisioneve. Po më intereson me çfarë shume kompensohen, sepse janë taksa e qytetarëve të Pejës edhe sa i marrin këta anëtarë të komisionit duhet me dit për sa takime duhet kompensohen edhe cila është shuma që një anëtar i një komisionit po kompensohet? Më herët që folëm këtë temën as tejkalim rregullores nuk bëhet, mbasi po doni krejt me ligj me tregu sepse rregullorja përcakton sa duhet ne nuk votuam për tejkalim të rregullores që duhet më shumë me u shpallë me hy pako për qytetarë deri kështu që a e din disa shembuj po dua me ju tregu që disa shkelje po bëhen rrugës. Po hajde po votojmë për kompensim. Sa ka me u kompensu një anëtar i këtij komisionit?

Znj. Xhenet Syka Kelemdit: në fakt unë më tepër desha t'i falenderoj anëtarët e komisionit dhe për hirë të transparencës t'ju njoftoj si asamblistë se kërkesa ka dalë nga vetë anëtarët e komisionit për kompensim dhe një kërkesë të tillë e kam proceduar te komiteti për politikë dhe financë. Kjo ka dalë nga vetë anëtarët e komisionit. Është proceduar në Komitet për politikë dhe financë disi është arritur një pajtueshmëri. Ndërkohë që t'ju them të drejtën nuk e di sa kompensohen dhe nuk jam personi që vendos. Sigurisht Drejtoria për Buxhet dhe Financa në bazë të rregulloreve për kompensimet e komisioneve e shpalos edhe një shumë për kompensimin e këtyre njerëzve që kanë punuar. Është mirë që ka pas pjesë anëtarë të komisionit nga të gjitha partitë politike, nga komunitetet, nga shoqëria civile dhe në fakt komisioni është dalë nga ky kuvend dhe me vetë iniciativën e tyre është bërë kjo kërkesë te Komiteti për politikë dhe finance.

Z.Berat Ganiqi: nuk po du me i bë replikë, mirëpo po du me u ndalë në atë se secili asamblist gati, se tash nuk e di s'kam statistika, po gati secili assembleistë këtu është i punësuar, e ka një rrogë bazë edhe assembleja është paga sekondare e shumicës këtu që e marrin. Tash edhe një kompensim në atë komision me bërë e këndej u ankuam që 200 arsimtarë po na rrezikohen për shkak të mungesës së fondeve me i heq e këndej po bëjmë komisione që secilin komision me kompensu. Është mirë me dit çfarë shume po dojnë me harxhu po du me qenë transparentë.

Kryesusi Reexhep Kurtbogaj: vitin e kaluar e kemi marrë një vendim me anëtarë të kuvendit edhe për këto komitete të tjera që nuk janë të parapame për kompensim. E kemi marrë me vendim të kuvendit për kompensim dhe ajo sasia e mjeteve do të kompensohet sikur që i kemi kompensuar komitetet e kuvendit.

17.Pyetjet dhe propozimet lidhur me punën e Komunës, të ngritura nga anëtarët, në atë rënditje siç jan pranuar:

Nuk ka pasur.

18.Çështje të ngritura në mbledhje nga udhëheqësi apo nga anëtarët e Kuvendit.

Nuk ka pasur.

Meqë u shqyrtuan të gjitha pikat e rendit të ditës e propozime tjera nuk ka pasur, kryesuesi z. Rexhep Kurtbogaj e shpalli të mbyllur këtë takim të kuvendit, në orën **13:40 h.**

Video incizimi i këtij takimi të Kuvendit të Komunës së Pejës në kanalin zyrtarë në Youtube.

Kliko: https://www.youtube.com/watch?v=MZn350_YpdU

Procesmbajtësja,
znj. Donjeta Morina

